



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 126. Idem Pontifex immunitatis Ecclesiasticæ vindex acerrimus.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

Sæc. XVII. tus, duos Missionarios eo fine ad ipsum
 A. C. 1701. ablegatos benigne excipi rogabat, pro-
 meritisque laudibus efferebat pietatem
 ac Zelum Cardinalis a Colonitz, qui
 plurimorum fidelium Byzantii apud
 Turcas captivorum redemptionem offi-
 ciiis & pecuniis procurabat.

§. CXXVI.

*Idem Pontifex immunitatis Ecclesia-
 sticæ vindex acerrimus.*

*Epist. &
 Brev. Cle-
 mens XI.
 pag. 30.*

Inter alia præclare gesta, quibus Cle-
 mens Papa sui Pontificatus auspicia
 decorabat, haud silentio prætereun-
 dum est invictum ipsius studium, quo
 læsam Immunitatem Ecclesiasticam vin-
 dicare nitebatur: cum enim Parochi,
 alique Ecclesiastici a sæcularibus Leo-
 diensis Urbis Ordinibus graviter vexa-
 rentur, suisque privilegiis ac præroga-
 tivis exuerentur. Pontifex hoc anno
 die decima quinta Januarii querulas
 has literas ad Josephum Clementem
 Electorem, ac Leodiensem Episcopum
 dedit: „Non satis explicare possumus
 „magnitudinem doloris nostri, ubi ad-
 „monente Nos officii debito mentis
 „oculos convertimus ad vexationes gra-
 „ves utique ac diuturnas, quas nulla
 „Ecclesiasticæ immunitatis ratione ha-
 „bita, sed ea prorsus despecta, ac sæpe
 „sæ-

„sæpius violata a statibus seu Ordini-
 „bus laicalibus Civitatis Leodiensis Sæc. XVII. A.C. 1701.
 „perpeffus est multis abhinc annis Cle-
 „rus secundarius ejusdem Civitatis,
 „qui sane Clerus præter illam, quam
 „singulis Ecclesiasticis cum Universita-
 „tibus tum Personis Apostolica Sedes
 „impertitur opem atque tutelam, spe-
 „ciali quoque jure ob singularem in
 „ipsam Sedem reverentiam foveri ab
 „Eadem semper promeruit. Cum ita-
 „que nihil tam enixe optemus, quam
 „ut mala hujusmodi, atque scandala
 „e medio tollantur, & justa hæc ama-
 „ritudinis caussa ab animo nostro re-
 „moveatur, ita ut a dura necessitate
 „provehendi ulterius cogitationes no-
 „stras liberemus, a te, quo majori
 „possumus studio, expetimus, ut Dei
 „honorem in Sacerdotali Ordine Ze-
 „lari velis, & pro ea, qua apud eos-
 „dem status & Ordines, dignitate præ-
 „stas, & auctoritate polles, sedulo cu-
 „res, & omnino efficias, ut præfatae
 „dissensiones ita componantur, ut facta
 „tecta servantur Ecclesiasticæ Immuni-
 „tatis jurn, & idem Clerus iisdem
 „privilegiis, atque prærogativis frui
 „tandem possit, quæ Sacrorum Cano-
 „num dispositioni, & concordiiis inter
 „easdem Partes initis, ac inconcusse
 „pridem custoditis innituntur, ac de-
 „mum,

Sæc. XVII. „mum, ut pristinam pacem & tran-
 A. C. 1701. „quillitatem (Te firmiter rem urgente)
 „assequatur. Nihil sane æquitati ac
 „pietati tuæ magis consonum, nihil
 „aptius ad conciliandam Tibi magis,
 „magisque benevolentiam nostram, ni-
 „hil vero (quod præcipuum est) gra-
 „tius Deo præstare poteris, quam Ec-
 „clesiæ jura tueri, & sicubi læsa fuerint,
 „integritati suæ restituere &c.

Cum autem a Mechliniensi Senatu
 in Belgio pariter multa adversus im-
 munitatem Ecclesiasticam & Episcopa-
 lem dignitatem fuissent attentata, Pon-
 tificex die prima Maij ad Philippum Hi-
 spaniarum Regem hæc perscripsit: „Non
 „verbis explicare possumus intimum
 „dolorem, quo afficimur, ubi perpen-
 „dimus, quod ea, quæ in Belgio a Ma-
 „gno Consilio Mechliniensi contra Im-
 „munitatem Ecclesiasticam manifesta
 „illius violatione, nec sine Episcopalis
 „dignitatis contemptu attentata fue-
 „runt, debita adhuc, & congrua re-
 „paratione indigeant, non obstantibus
 „enixis, ac sæpe sæpius nostro nomine
 „iteratis Venerabilis Fratris Francisci
 „Archiepiscopi Parisiensis, Nuntii a-
 „pud Te nostri hac super re petitioni-
 „bus. Admonet itaque nos Pontificii
 „muneris ratio, qua Ecclesiæ juribus
 „adesse omnino tenemur, his literis a
 „pie-

„pietate ac æquitate tua sedulo ex-
 „petere, ut sarciri quamprimum per
 „eos, qui talia ausi sunt, læsam tanto
 „fidelium scandalo, præfatam Immu-
 „nitatem ita mandes, ut executio diu-
 „tius non protrahatur &c.

Sæc. XVII.
 A. C. 1701.

Quoniam vero Lovaniensis Magi-
 stratus hujus Urbis Universitatem, etsi
 Sedi Apostolicæ immediate subjecta
 esset, visitare, aliosque jurisdictionis
 actus exercere præsumeret, hinc Pon-
 tificex die tertia Decembris Rectori, ce-
 terisque hujus Universitatis Ministris,
 etiam sub anathematis pœna injunxit,
 ne aliquam visitationem non prove-
 nientem a Sede Apostolica, aut alium
 quemcunque actum, quo authoritas,
 juraque præfatæ Sedis læderentur, ad-
 mittant, ac propterea hucusque acta,
 vel imposterum agenda omnino nulla
 fore declaravit.

§. CXXVII.

*Mechliniensis Archiepiscopi sententia
 contra Petrum Hammè.*

Cum Jansenii fautores insuperhabitis
 Pontificum, Regis & Mechliniensis
 Archiepiscopi decretis totum Belgium
 seditiosus, ac Janseniano veneno turgi-
 dis libellis turbare pergerent, Hum-
 bertus Mechliniensis Archiepiscopus in-
 Hist. Eccles. Tom. LXVI. Y, y tole-

Caus. Quest.
 pag. 7.